



TOSHKENT DAVLAT YURIDIK UNIVERSITETI REKTORINING B U Y R U G' I

2021-yil 7-aprel

08-77-son

“Тошкент давлат юридик университетига 30 йил” кўкрак нишонини таъсис этиш тўғрисида

Ўзбекистон Республикаси Президентининг 2020 йил 29 апрелдаги “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги ПФ–5987-сон Фармони, Ўзбекистон Республикаси адлия вазирининг 2021 йил 2 февралдаги “Тошкент давлат юридик университетининг 30 йиллигини нишонлаш тўғрисида”ги 43-ум сон буйруғи, Тошкент давлат юридик университети ректорининг 2021 йил 11 февралдаги “Тошкент давлат юридик университетининг 30 йиллик юбилейини муносиб ўтказиш тўғрисида”ги 08-29-сон буйруғида белгиланган вазифалар ижросини таъминлаш, юридик таълимнинг тарихи ва ҳозирги тараққиёти, унинг нуфузини оширишда ўзининг муносиб ҳиссасини қўшиб келаётган университет фахрийлари, ходим ва талабалари ҳамда бу жараёнда университет билан яқиндан ҳамкорлик қилиб келаётган ташкилотлар ва жамоатчилик вакиллари муносиб рағбатлантириш мақсадида

Б У Ю Р А М А Н:

1. «Тошкент давлат юридик университетига 30 йил» кўкрак нишони (бундан буён матнда – кўкрак нишони) таъсис этилсин.
2. «Тошкент давлат юридик университетига 30 йил» кўкрак нишони тўғрисидаги низом 1-иловага, кўкрак нишонининг тавсифи 2-иловага, кўкрак нишони гувоҳномасининг тавсифи 3-иловага мувофиқ тасдиқлансин.

3. Маънавият ва маърифат маркази (Ш.Пўлотов), Кадрлар бўлими (А.Матмуродов), Жамоатчилик ва ОАВ билан ишлаш бўлими ҳамда факультет деканлари кўкрак нишони таъсис этилганлиги ва уни тақдим этиш тартиби бўйича ходим ва талабалар ҳамда кенг жамоатчиликка маълум қилиш чораларини кўрсин.

4. Проректорлар ўз йўналиши бўйича кўкрак нишони билан тақдирлаш учун муносиб номзодларни тавсия этиб борсин.

5. Проректор А.Хашимҳонов кўкрак нишонини тақдим этиш жараёнларини ҳолисона ва тўғри амалга ошириш ҳамда тақдирлаш маросимларини юқори савияда ташкил этиш чораларини кўрсин.

6. Бухгалтерия (М.Парпиев) кўкрак нишонини зарб этиш билан боғлиқ харажатларни университетнинг бюджетдан ташқари маблағлари ҳисобидан қоплаш чораларини кўрсин.

7. Мазкур буйруқ ижросини назорат қилишни ўз зиммамда қолдираман.

Ректор



Р. Хакимов

Лойиҳа киритди:

Маънавият ва маърифат
маркази директори

Ш. Пўлотов

Келишилди:

Проректор

А. Хашимхонов

Проректор в.б

А. Иминов

Юридик бюро
катта юрисконсулт

Э. Хосилов

**«Тошкент давлат юридик университетига 30 йил»
кўкрак нишони тўғрисидаги
НИЗОМ**

I боб. Умумий қоидалар

1. «Тошкент давлат юридик университетига 30 йил» кўкрак нишони (бундан буён матнда – Кўкрак нишони) билан юридик таълим ва фан ривожини, университет фаолият самарадорлигини ҳамда нуфузини оширишда муносиб ҳисса қўшиб келаётган, шу билан бирга қонун ижодкорлигини ва ҳуқуқни қўллаш соҳасини ривожлантиришда юқори натижаларга эришган, кўп йиллик иш тажрибаси ва юқори касб маҳоратига эга бўлган Тошкент давлат юридик университети (бундан буён матнда – Университет) фахрийлари, ходимлари, талаба ва докторантлари, ҳамкор ташкилотлар ҳамда жамоатчилик вакиллари тақдирланади.

2. Кўкрак нишони билан университетнинг хорижий ҳамкорлари ҳам тақдирланиши мумкин.

3. Кўкрак нишони билан университет ректорининг буйруғи асосида тақдирланади.

II боб. Кўкрак нишони билан тақдирлаш тартиби

4. Кўкрак нишони билан тақдирлаш учун номзодлар университет проректорлари томонидан тақдим этилади ва Ёшлар билан ишлаш бўйича проректор номзодларни умумлаштиради.

5. Умумлаштирилган номзодлар рўйхати университет ректорига тақдим этилади ҳамда ректор томонидан кўриб чиқилади.

6. Кўкрак нишони билан тақдирлаш бўйича университет ректорининг тегишли буйруғи имзоланади.

7. Кўкрак нишони университет ректори ёки проректорлари томонидан тантанали вазиятларда топширилади.

8. Мукофотланганларга Кўкрак нишони билан бирга унинг гувоҳномаси берилади.

9. Кўкрак нишони давлат мукофотларидан кейин кўкракнинг чап томонига тақилади.

III боб. Яқуний қоида

10. Бир шахс Кўкрак нишони билан бир марта мукофотланади.

11. Кўкрак нишони 2021 йил давомида тақдим этилади.

**«Тошкент давлат юридик университетига 30 йил»
кўкрак нишонининг
ТАВСИФИ**

«Тошкент давлат юридик университетига 30 йил» кўкрак нишони 0,25 микрон қалинликдаги мис қотишмасидан тайёрланади ва диаметри 34 миллиметрли доира шаклида бўлади.

Кўкрак нишонининг қалинлиги – 2,2 миллиметр.

Кўкрак нишонининг олд томони марказида таралаётган қуёш нурлари фонида марказ бўйлаб “30” ёзуви тасвирланган ва ёзув билан туташган пастки қисмида Амир Темур ҳайкалининг кўриниши, ундан ўнгда университет биносининг кўриниши тасвирланган. Пастки қисмида эса баландлиги 2,5 миллиметрли «YIL» ёзуви жойлашган. Ёзувлар зарҳал рангда.

Кўкрак нишонининг айланаси бўйлаб оқ эмалли доирада «TOSHKENT DAVLAT YURIDIK UNIVERSITETIGA» сўзлари ёзилган. Пастки қисмида, марказда иккита саккиз қиррали юлдуз оралиғида бир-бирига туташтирилган ҳолатдаги иккита зайтун новдаси тасвирланган. Ёзувлар ва тасвирлар зарҳал рангда бўлиб, ҳарфларнинг баландлиги 2 миллиметрни ташкил этади.

Кўкрак нишонининг орқа томонида университетнинг рамзий белгиси (логотип) тасвирланган бўлиб, пастки қисмида, марказда «2021» ёзуви жойлашган.

Тасвирлар ва ёзувлар қабарикдир.

Кўкрак нишонининг олд ва орқа томонларининг четлари қабарик доира билан ўралган.

Кўкрак нишони шойи лента билан қопланган тўғри тўртбурчак шаклидаги қадағичга илгакчалар ва ҳалқача ёрдамида уланган. Шойи лентанинг ўртасидан эни 7 миллиметрли яшил рангли йўл, унинг икки четидан эса сариқ рангли энсиз чизиқлар билан ҳошияланган эни 2,5 миллиметрли иккита оқ рангли йўл ўтган. Шойи лентанинг чекка қисмлари бўйлаб эни 2,5 миллиметр бўлган мовий рангли йўللار ўтган.

Қадағичнинг бўйи – 16 миллиметр, эни – 25 миллиметр.

Қадағичнинг орқа томонига эсдалик нишонини кийимга тақиб қўйиш учун тўғноғич кўринишидаги мослама ўрнатилган.



**«Тошкент давлат юридик университетига 30 йил»
кўкрак нишони гувоҳномасининг
ТАВСИФИ**

«Тошкент давлат юридик университетига 30 йил» кўкрак нишони гувоҳномаси 160x110 миллиметр ўлчамдаги китобча шаклида бўлиб, 240 г/кв.м. қалинликдаги офсет қоғоздан тайёрланади.

Гувоҳноманинг ташқи томони (биринчи ва тўртинчи бетлари) яшил рангда бўлиб, плёнка билан қопланган.

Гувоҳноманинг биринчи бети эни 7,5 миллиметрли, ички бурчаклари айлана шаклида бўлган тўқ яшил рангли ҳошия билан ўралган.

Гувоҳноманинг юқори чеккасидан (биринчи бети) 35 миллиметр пастда, марказда, оралиғи 3,5 миллиметрли уч сатрдан иборат матн жойлашган. Биринчи сатрда «TOSHKENT DAVLAT YURIDIK», иккинчи сатрда «UNIVERSITETIGA 30 YIL» (катта ҳарфларда, «Times new Roman Bolt» шрифти, 14-кегль), учинчи сатрда «ko'krak nishoni» («Times new Roman Bolt» шрифти, 14-кегль) сўзлари ёзилган. Ундан 10 миллиметр пастда «GUVOHNOMASI» (катта ҳарфларда, «Times new Roman Bolt» шрифти, 17-кегль) сўзи ёзилган.

Ёзувлар тўқ яшил рангида акс эттирилган.

Гувоҳноманинг ички томони (иккинчи ва учинчи бетлари) «Тангир» тасвири туширилган оч яшил рангда бўлиб, офсет усулида чоп этилган.

Ички томонининг чап қисмида (иккинчи бети), марказда кўкрак нишонининг аслига тенг ўлчамдаги рангли тасвири акс эттирилган.

Гувоҳноманинг ички ўнг томони (учинчи бети) юқори чеккасидан 8 миллиметр пастда, марказда «GUVOHNOMA» (катта ҳарфларда, «Times new Roman Bolt» шрифти, 10-кегль) сўзи ҳамда гувоҳнома тартиб рақами учун «№» белгиси ва 15 миллиметрли чизик жойлашган.

«GUVOHNOMA» сўзидан 11 миллиметр пастда мукофотланган шахснинг фамилияси, исми ва отасининг исмини қайд этиш учун оралиғи 8 миллиметрли учта чизик тортилган.

Пастки чизикдан 6 миллиметр қуйида, марказда, оралиғи 2 миллиметрли икки сатрдан иборат матн жойлашган. Биринчи сатрда

«Toshkent davlat yuridik», иккинчи сатрда «universiteti rektorining» («Times new Roman Bolt» шрифти, 10-кегль) сўзлари ёзилган.

Ундан 5 миллиметр пастда оралиғи 4 миллиметр бўлган икки сатрдан иборат матн жойлашган. Биринчи сатрда «20__ у. «__» ____dagi», иккинчи сатрда «____-son buyrug‘iga asosan» («Times new Roman Bolt» шрифти, 10-кегль) сўзлари ёзилган.

Ундан 5 миллиметр пастда, марказда, оралиғи 3 миллиметрли учта сатрдан иборат матн жойлашган. Биринчи сатрда «TOSHKENT DAVLAT YURIDIK», иккинчи сатрда «UNIVERSITETIGA 30 YIL» (катта ҳарфларда, «Times new Roman Bolt» шрифти, 12-кегль), учинчи сатрда «ko‘krak nishoni bilan mukofotlandi» («Times new Roman Bolt» шрифти, 10-кегль) сўзлари ёзилган.

Сўнгги сўзлардан 9 миллиметр пастда, чап томонда «Rektor» («Times new Roman Bolt» шрифти, 10-кегль) сўзи ёзилган.